

續日本紀卷第十五

起天平十五年正月盡十六年十二月

從四位下行民部大輔兼左兵衛督皇太子學士臣菅野朝臣眞道等奉 勅撰

天璽國押開豐櫻彥天皇 聖武天皇

十五年春正月辛丑朔。遣右大臣橘宿禰諸兄。在前還恭仁宮。

壬寅。車駕自紫香樂至。

癸卯。天皇御大極殿。百官朝賀。

丁未。天皇御大安殿。宴五位已上。賜祿有差。

壬子。御石原宮樓。在城東北。賜饗於百官及有位人等。有勅。鼓琴任其彈歌。五位已上賜摺衣。六位已下祿各有差。

癸丑。爲讀金光明取勝王經。請衆僧於金光寺。其詞曰。天皇敬諮四十九

座諸大德等。弟子階緣宿殖嗣膺寶命。思欲宣揚正法導御蒸民。故以今年

正月十四日。勤請海內出家之衆於所住處。限七七日轉讀大乘金光明明取勝

王經。又令天下限七七日。禁斷殺生及斷雜食。別於大養德國金光明寺。奉

設殊勝之會。欲爲天下之摸。諸德等或一時名輩。或萬里嘉賓。僉曰人師咸稱

二國寶。所冀屈彼高明。隨茲延請。始暢慈悲之音。終諧微妙之力。仰願

梵宇增威。皇家累慶。國土嚴淨。人民康樂。廣及羣方。綿該廣類。同乘菩薩

之乘。並坐如來之座。像法中興實在今日。凡厥知見。可不思哉。

二月辛巳。以佐渡國并越後國。

乙未。夜月掩熒惑。

丁酉。夜月掩太白。

三月癸卯。金光明寺讀經竟。

詔遣右大臣橘宿禰諸兄等。就寺慰勞衆僧。

乙巳。筑前國司言。新羅使薩滄金序貞等來朝。於是遣從五位下多治比真人土

作。外從五位下葛井連廣成於筑前。檢校供客之事。

夏四月壬申。行幸紫香樂。以右大臣正一位橘宿禰諸兄。左大弁從三位巨勢朝臣奈

弓麻呂。右大弁從四位下紀朝臣飯麻呂爲留守。遣宮内少輔從五位下多治比真人木人爲平城宮留守。

乙酉。車駕還宮。

辛卯。賜陪從五位已上廿八人。六位已下二千三百七十人祿有差。

甲午。檢校新羅客使多治比真人土作等言。新羅使調改稱土毛。書奥注物數。

稽之舊例。大失常礼。太政官處分。宜召水手已上。告以失礼之狀。便即放却。

五月辛丑。自三月至今月不雨。奉幣帛于畿内諸神社祈雨焉。

癸卯。宴群臣於内裏。皇太子親儻五節。右大臣橘宿祢諸兄奉詔。奏太上天

皇曰。天皇大命尔坐西奏賜久掛。母畏岐飛鳥淨見。御原宮尔大八洲所知

志聖乃天皇命天下乎治賜比平。賜比所思坐久。上下乎齋倍和。氣无動久靜加尔

令有尔八礼等樂等一都並志平。久長久可有等隨神母所思坐此乃舞乎始賜比造賜

比伎等聞食与天地供尔絕事無久弥繼尔受賜波利行牟物等之皇太子斯尔學志頂

令荷我皇天皇大前尔貢事乎奏於是。太上天皇詔報曰。現神御

大八洲我子天皇乃掛。母畏伎天皇朝廷乃始賜比造賜幣留寶國寶等之此王

乎令供奉賜波天下尔立賜比行。賜部流法波可絕伎事波無久有家利止見聞喜侍止奏

賜等詔大命乎奏。又今日行賜布態乎見行波直遊止乃味尔波不在之天下

人尔君臣祖子乃理乎教賜比趣。賜布等尔有良志止奈母所思。是以教賜比趣賜

比奈何良受被賜持不忘不失可有伎表等之。一二人乎治賜波奈止那毛所思行須等奏

賜止詔大命乎奏賜波久止奏。曰御製歌曰。蘇良美都。夜麻止乃久尔波。可未

可良斯。多布度久安流羅之。許能末比美例波。又歌曰。阿麻豆可未。美麻乃弥已止

乃。登理母知。許能等与美岐遠。伊寸多末都流。又歌曰。夜須美斯志。和我

於保支美波。多比良氣久。那何久伊末之。等与美岐麻都流。右大臣橘宿祢諸兄

宣詔曰。天皇大命良麻等勅。久今日行賜比供奉賜態尔依而御世御世當。供

奉礼留親王等大臣等乃子乎始而可治賜伎。二人等選給比治給布。是以汝等母

今日詔大命乃期等君臣祖子乃理。遠忘事無久繼坐牟天皇御世御世尔明淨

心乎以而祖名乎戴。持而天地与共。尔長久遠。久仕奉礼等之冠。位上賜比治。賜布等。勅。大命衆。聞食。宣。又皇太子宮乃官人尔冠。一階上賜布。此中博士等。任賜部留下道。朝臣眞備尔波冠。二階上賜比治。賜波久等勅。天皇大命衆。聞食。宣。授右大臣正二位橘宿祢諸兄從一位。正三位鈴鹿王從二位。正四位下藤原朝臣豐成從二位。從四位上栗栖王。春日王並正四位下。從四位下船王從四位上。无位阿刀王。御室王並從四位下。從五位上矢釣王正五位下。无位高丘王。林王。市原王並從五位下大伴宿祢牛養。石上朝臣乙麻呂。藤原朝臣仲麻呂並從四位上。正五位上多治比真人廣足。佐伯宿祢常人。正五位下下道朝臣眞備並從四位下。正五位下多治比真人占部。石川朝臣加美。從五位上藤原朝臣八束。橘宿祢奈良麻呂。正五位下阿倍朝臣虫麻呂。佐伯宿祢清麻呂。坂上忌寸犬養並正五位上。從五位上阿倍朝臣佐美麻呂。從五位下藤原朝臣清河。從五位上紀朝臣清人。石川朝臣年足。背奈王福信並正五位下。從五位下大伴宿祢稻君。百濟王孝忠。佐味朝臣虫麻呂。巨勢朝臣堺麻呂。佐伯宿祢稻麻呂並從五位上。外從五位下縣犬養宿祢大國。正六位上大伴宿祢駿河麻呂。從六位上大原真人麻呂。正六位上中臣朝臣清麻呂。佐伯宿祢毛人並從五位下。從六位上上毛野朝臣稻麻呂。正六位上高橋朝臣國足。鴨朝臣角足。秦井手乙麻呂。紀朝臣小楯。若犬養宿祢東人。井上忌寸麻呂並外從五位下。既而以右大臣從一位橘宿祢諸兄一拜左大臣。兵部卿從三位藤原朝臣豐成。左大弁從三位巨勢朝臣奈弓麻呂爲中納言。從四位上藤原朝臣仲麻呂。從四位下紀朝臣麻路爲參議。乙丑。詔曰。如聞。墾田依養老七年格。限滿之後。依例收授。由是。農夫怠倦。開地復荒。自今以後。任爲私財。無論三世一身。咸悉永年莫取。其親王一品及一位五百町。二品及二位四百町。三品四品及三位三百町。四位二百町。五位百町。六位已下八位已上五十町。初位已下至于庶人二十町。但郡司者。大領少領三十町。主政主帳十町。若有先給地過多。茲限。便即還公。奸作隱斯科罪如法。國司在任之日。墾田一依前格。丙寅。禁斷諸國司等不任舊館更作新舍。又到任一度。湏給鋪設。而雖經二年序。更亦給之。又各置養郡。勿令煩資養。備前國言。邑久郡新羅邑

久浦漂着大魚五十二隻。長二丈三尺已下。一丈二尺已上。皮薄如紙。眼似米粒。聲如鹿鳴。故老皆云。未嘗聞也。

六月癸巳。山背國司言。今月廿四日自西至。戌。宇治河水涸竭。行人揭涉。

丁酉。以從五位下中臣朝臣清麻呂爲神祇大副。從五位下當麻真人鏡麻呂爲少納言。從五位下多治比真人木人爲中務少輔。從五位下藤原朝臣許勢麻呂爲中宮亮。

從五位下高丘王爲右大舍人頭。從五位下林王爲圖書頭。外從五位下小野朝臣綱手爲內藏頭。從五位下大原真人麻呂爲式部少輔。外從五位下大伴宿禰三中爲兵部

少輔。從四位下大市王爲刑部卿。正五位上平羣朝臣廣成爲大輔。外從五位上倭武助爲典藥頭。外從五位下紀朝臣男楨爲彈正弼。從四位上藤原朝臣仲麻呂爲左京

大夫。外從五位下鴨朝臣角足爲右京亮。從五位下多治比真人土作爲攝津亮。從四位下々道朝臣眞脩爲春宮大夫。皇太子學士如故。正五位下背奈王福信爲亮。正

五位下藤原朝臣清河爲大養德守。從五位下佐伯宿禰毛人爲尾張守。外從五位下秦井手乙麻呂爲相摸守。從五位下百濟王敬福爲陸奥守。外從五位下葛井連廣成爲

脩後守。從五位下小治田朝臣廣千爲讚岐守。外從五位上引田朝臣虫麻呂爲土左守

一。

秋七月戊戌朔。日有蝕之。

庚子。天皇御石原宮。賜饗於隼人等。授正五位上佐伯宿禰清麻呂從四位下。外

從五位下葛井連廣成從五位下。外從五位下曾乃君多利志佐外正五位上。外正六位上

前君乎佐外從五位下。外從五位上佐須岐君夜麻等久々賣外正五位下。

壬寅。出雲國司言。楯縫出雲二郡雷雨異常。山岳頽崩。壞廬舍埋田畝。

庚寅。地震。

癸亥。行幸紫香樂宮。以左大臣橘宿禰諸兄。知太政官事鈴鹿王。中納言巨勢奈呂

麻呂爲留守。

八月丁卯朔。幸鴨川。改名爲宮川也。

乙亥。上総國司言。去七月大風雨。數箇日。雜木長三四丈已下。二三尺已上一萬五

千許株漂着部內海濱也。

九月壬寅。正五位上石川朝臣賀美授從四位下。

己酉。免官奴斐太從良。賜大友史姓。斐太始以大坂沙治玉石之人也。

丁巳。甲賀郡調庸准畿內收之。又免當年田租。

冬十月辛巳。詔曰。朕以薄德恭承大位。志存兼濟。勤撫人物。雖率土

之濱已霑仁恕。而普天之下未洽法恩。誠欲賴三寶之威靈。乾坤相泰。修萬代

之福業。動植咸榮。粵以下天平十五年歲次癸未十月十五日。發菩薩大願。奉造

廬舍那佛金銅像一軀。盡國銅而鎔象。削大山以構堂。廣及法界。爲朕知

識。遂使下同蒙利益。共致中菩提。夫有天下之富者。朕也。有天下之勢者。朕也。

以此富勢造此尊像。事也易。成心也難。至。但恐徒有勞。人無能感。聖。或

生誹謗。反墮罪辜。是故預知識者。懇發至誠。各招介福。宜每日三拜

廬舍那佛。自當存念各造。廬舍那佛也。如更有四人情願。持一花草一把。土助

造像者。恣聽之。國郡司莫因此事。侵擾百姓。強令收斂。布告遐

迓。知朕意矣。

壬午。東海東山北陸三道廿五國今年調庸等物皆令貢於紫香樂宮。

乙酉。皇帝御紫香樂宮。爲奉造廬舍那佛像。始開寺地。於是行基法師率

弟子等勸誘衆庶。

十一月丁酉。天皇還恭仁宮。車駕留連紫香樂。凡四月焉。

戊申。宴群臣於內裏。外從五位下倭武助授從五位下。五位已上賜祿有差。

十二月己丑。始運平城器仗。收置於恭仁宮。

辛卯。始置筑紫鎮西府。以從四位下石川朝臣加美爲將軍。外從五位下大伴宿

祿百世爲副將軍。判官一人。主典一人。初壞平城大極殿并步廊。遷造於恭仁

宮四年。於茲其功纔畢矣。用度所費不可勝計。至是更造紫香樂宮。仍停

恭仁宮造作焉。

十六年春正月丙申朔。廢朝。饗五位已上於朝堂。

庚戌。任裝束次第司爲難波宮也。

戊午。太政官奏。鎮西府將軍准從五位官。判官准從六位官。主典准從七位官。

倍<sup>二</sup>給<sup>一</sup>二季祿及月新。並留<sup>レ</sup>應<sup>レ</sup>入<sup>レ</sup>京調庸物<sup>一</sup>相折。通融<sup>シテ</sup>隨<sup>ニ</sup>時便<sup>一</sup>給。又特賜<sup>ニ</sup>公  
廩田<sup>一</sup>。將軍十町。副將軍八町。判官六町。主典四町。奏可之。

辛酉。給<sup>ニ</sup>鎮西府印一面<sup>一</sup>。

閏正月乙丑朔。詔喚<sup>ニ</sup>會百官於朝堂<sup>一</sup>。問曰。恭仁難波<sup>ニ</sup>京何<sup>一</sup>。定爲<sup>レ</sup>都。各言<sup>ニ</sup>其  
志<sup>一</sup>。於是陳<sup>ニ</sup>恭仁京便宜者<sup>一</sup>。五位已上廿四人。六位已下百五十七人。陳<sup>ニ</sup>難波京便  
宜者<sup>一</sup>。五位已上廿三人。六位已下一百卅人。

戊辰。遣<sup>ニ</sup>從二位巨勢朝臣奈弓麻呂<sup>一</sup>。從四位上藤原朝臣仲麻呂<sup>一</sup>。就<sup>レ</sup>市問<sup>ニ</sup>定<sup>レ</sup>京之事<sup>一</sup>。  
市人皆願<sup>レ</sup>以<sup>ニ</sup>恭仁京爲<sup>一</sup>都。但有<sup>レ</sup>願<sup>ニ</sup>難波者一人<sup>一</sup>。願<sup>ニ</sup>平城者一人<sup>一</sup>。

癸酉。更仰<sup>ニ</sup>京職<sup>一</sup>令<sup>ニ</sup>諸寺百姓<sup>一</sup>皆作<sup>ニ</sup>舍宅<sup>一</sup>。

乙亥。天皇行<sup>ニ</sup>幸難波宮<sup>一</sup>。以<sup>ニ</sup>知太政官事從二位鈴鹿王<sup>一</sup>。民部卿從四位上藤原朝臣  
仲麻呂<sup>一</sup>爲<sup>ニ</sup>留守<sup>一</sup>。是日。安積親王緣<sup>ニ</sup>脚病<sup>一</sup>從<sup>ニ</sup>櫻井頓宮<sup>一</sup>還。丁丑薨。時年十七。  
遣<sup>ニ</sup>從四位下大市王<sup>一</sup>。紀朝臣飯麻呂等<sup>一</sup>監<sup>ニ</sup>護喪<sup>一</sup>。親王天皇之皇子也。母夫人  
正三位縣犬養宿祢廣刀自。從五位下唐之女也。

二月乙未朔。遣<sup>ニ</sup>少納言從五位上茨田王于恭仁宮<sup>一</sup>。取<sup>ニ</sup>驛鈴內外印<sup>一</sup>。又追<sup>ニ</sup>諸司及朝  
集使等<sup>一</sup>於難波宮。

丙申。中納言從三位巨勢朝臣奈弓麻呂持<sup>ニ</sup>留守官所<sup>一</sup>給<sup>ニ</sup>鈴印<sup>一</sup>詣<sup>ニ</sup>難波宮<sup>一</sup>。以下知太政  
官事從二位鈴鹿王。木工頭從五位下小田王。兵部卿從四位上大伴宿祢牛養。大藏卿  
從四位下大原真人櫻井。大輔正五位上穗積朝臣老五人爲<sup>ニ</sup>恭仁宮留守<sup>一</sup>。治部大輔正  
五位下紀朝臣清人。左京亮外從五位下巨勢。朝臣嶋村二人爲<sup>ニ</sup>平城宮留守<sup>一</sup>。

甲辰。幸<sup>ニ</sup>和泉宮<sup>一</sup>。

丙午。免<sup>ニ</sup>天下馬飼雜戶人等<sup>一</sup>。因<sup>テ</sup>勅曰。汝等今負<sup>ニ</sup>姓人之所耻<sup>一</sup>也。所以原免<sup>ニ</sup>同<sup>一</sup>  
於平民。但既免之後。汝等手伎如<sup>レ</sup>不<sup>レ</sup>傳<sup>ニ</sup>習子孫<sup>一</sup>。々々弥降<sup>ニ</sup>前姓<sup>一</sup>。欲<sup>レ</sup>從<sup>ニ</sup>卑品<sup>一</sup>。  
又放<sup>ニ</sup>官奴婢六十人<sup>一</sup>從<sup>ニ</sup>良<sup>一</sup>。

丁未。車駕自<sup>ニ</sup>和泉宮<sup>一</sup>至<sup>ニ</sup>。

甲寅。運<sup>ニ</sup>恭仁宮高御座并大楯於難波宮<sup>一</sup>。又遣<sup>レ</sup>使取<sup>ニ</sup>水路<sup>一</sup>運<sup>ニ</sup>漕<sup>一</sup>。兵庫器仗。

乙卯。恭仁京百姓情<sup>ニ</sup>願<sup>一</sup>遷<sup>ニ</sup>難波宮<sup>一</sup>者恣聽<sup>レ</sup>之。

丙辰。幸安曇江。遊覽松林。百濟王等奏百濟樂。詔授无位百濟王女天從四位下。從五位上百濟王慈敬。「從五位下」孝忠。全福並正五位下。

戊午。取三嶋路。行幸紫香樂宮。太上天皇及左大臣橘宿禰諸兄留在難波宮焉。

庚申。左大臣宣勅云。今以難波宮定爲皇都。宜知此狀。京戶百姓任意往來。

三月甲戌。石上榎井二氏樹大楯槍於難波宮中外門。

丁丑。運金光明寺大般若經。致紫香樂宮。比至朱雀門。雜樂迎奏。官人迎禮。

引導入宮中奉置大安殿。請僧二百。轉讀。一日。

戊寅。難波宮東西樓殿。請僧三百人。令讀大般若經。

夏四月丙午。紫香樂宮西北山火。城下男女數千餘人皆趣伐山。然後火滅。天皇嘉之。賜布人一端。

甲寅。廢造兵鍛冶二司。

丙辰。以下始營紫香樂宮。百官未成。司別給公廩錢惣一千貫。交關取息永且

二公用。不得損失。其本。每年限十一月。細錄本利用狀。令申太政官。

五月庚戌。肥後國雷雨地震。八代。天草。葦北三郡官舍。并田二百九十餘町。民家

四百七十餘區。人千五百廿餘口被水漂沒。山崩。二百八十餘所。有壓死人卅

餘人。並加賑恤。

六月壬子。雨氷。

秋七月癸亥。太上天皇幸智努離宮。

丁卯。故正四位下紀朝臣男人与故從五位下紀朝臣國益。相訴奴婢。依刑部判

賜國益男正五位下清人。既而清人上表悉從。良焉。

戊戌。太上天皇幸仁岐河。陪從衛士已上。無問男女。賜祿各有差。

己巳。車駕還難波宮。

甲申。詔曰。四畿內七道諸國。々別割取正稅四万束。以入。僧尼兩寺各二

万束。每年出學。以其息利永支造寺用。

八月乙未。詔授補生郡大領正八位上佐々貴山君親人從五位下。并賜食封五十

戶。純一百疋。布二百端。綿二百屯。錢一百貫。神前郡大領正八位下佐々貴山君足人正六位上并純卅疋。布八十端。綿八十屯。錢卅貫。斯二人並伐除紫香樂宮邊山木。故有此賞焉。

庚申朔十五日

九月甲戌。遣巡察使於畿内七道。以從四位下紀朝臣飯麻呂爲畿内使。正五位下石川朝臣年足爲東海道使。正五位上平群朝臣廣成爲東山道使。從五位下石川朝臣東人爲北陸道使。正五位下百濟王全福爲山陰道使。外從五位下大伴宿祢二中爲山陽道使。外從五位下巨勢朝臣嶋村爲南海道使。從四位上石上朝臣乙磨爲西海道使。外從五位下大養德宿祢小東人爲次官。道別判官一人。主典一人。

乙酉。勅八道巡察使等曰。是行使等檢問事條。國郡官司依實報告者。縱當死罪。咸原而勿論。若有經問不臣。被使勘獲者。事雖細小。依法不容。使宜慇懃告示。一事以上准勅施行。

丙戌。勅頒卅二條於巡察使。事具別勅。因勅曰。凡頃聞諸國郡官人等不行法令。空置卷中。無畏憲章。擅求利潤。公公民歲弊。私門日增。

朕之股肱豈合如此。自今以後。宜依頒條。每四考終。必加訪察。奏聞。即隨善惡黜陟其人。遂令淫渭殊流。賢愚得所。若有巡察使諂曲爲心。昇降

失理。當實法律。以明勸沮。無偏無黨。清風肅俗。拔自常班。處以榮秩。宜告所司。知朕意焉。又勅十三條具在別勅。又勅曰。爲檢

天下諸國政績治不。今差巡察使分道發遣。但比年以來。所任使人。訪察不精。黜陟有濫。吏民由是未肅。風化所以尙墮。故今具定事條。仰令巡檢。

唯恐官人不練。明科多犯罪愆。還陷法網。仍垂非常之恩。特開自新之路。其國郡官司雖犯謀反大逆。常赦所不赦。咸悉除免。一切勿論。但情懷

奸僞。不肯吐實。使人存意再三諭示。若是固執。猶不首伏者。依法科罪。普天率土。宜知朕懷焉。又勅五條。語具別記。

己丑。詔曰。今聞僧綱任意用印。不依制度。宜令進其印。置大臣所。自今以後。一依前例。僧綱之政亦申官待報。給鎮西府驛鈴二口。

庚寅朔二日

冬十月辛卯。律師道慈法師卒。【天平元年爲律師。】法師俗姓額田氏。添下郡人也。

性聰悟 爲衆所推。大寶元年隨使入唐。涉覽經典。尤精三論。養老二年歸朝。是時釋門之秀者唯法師及神叡法師二人而已。著述愚志一卷論僧尼之事。其略曰。今察日本素繼行佛法軌模全異。大唐道俗傳聖教法則。若順經典。能護國土。如違憲章。不利人民。一國佛法。万家修善。何用虛設。豈不愼乎。弟子傳業者。于今不絕。屬遷造大安寺於平城。勅法師勾當其事。法師尤妙工巧。構作形製皆稟其規摹。所有匠手莫不歎服焉。卒時年七十有餘。

乙未。左大臣家令正六位上余義仁授外從五位下。

庚子。太上天皇行幸珍努及竹原并離宮。

辛丑。賜郡司十四人爵一級。高年一人六級。三人九級。行所經大鳥。和泉。日

根三郡百姓年八十以上男女穀一人有差。

壬寅。太上天皇還難波宮。

十一月壬申。甲賀寺始建廬舍那佛像體骨柱。天皇親臨手引其繩。于時種々

樂共作。四大寺衆僧僉集。襯施各有差。

癸酉。太上天皇幸甲賀宮。

丙子。太上天皇自難波至。

庚辰。授正五位上藤原朝臣八束。正五位下紀朝臣清人並從四位下。外從五位下大

宅朝臣君子。田邊史難波並從五位下。

十二月庚寅。有星孛於將軍。

壬辰。令天下諸國藥師悔過七日。

丙申。度二百人。此夜於金鐘寺及朱雀路。燃燈二万坏。

## 續日本紀卷第十五

〔御本奥記〕

永正十二年三月十八日書之